

大清宣統政紀卷四十

宣統三年辛亥九月乙丑朔日有食之

事早

諭內閣朕寅紹不

基於今三載勤求治理夙夜兢兢茲屆資政院第二次開院之期爾議員等其敬聽朕命方今世界文明憲政尤爲當務之急自上年十月仰體

先朝與民更新之意俯順內外臣工之請特降諭旨縮改於宣統五年開設議院並修改籌備事宜清單期限則年近一年籌畫乃日繁一日該院負國民之重望實協議之權輿前者已略具規模今茲當更有進步所有應議事項急宜集衆思以廣益求一是以折衷以期漸有端倪日臻完備除上年該院未經議竣各案仍應接議外朕特命國務大臣將各項案件陸續籌擬照章交議爾議員等洞觀國勢熟審輿情其各體念時艱發摠忠愛總使法立而民不擾論定而事可行用以鞏固邦基弼成郅治

朕有厚望焉將此特諭知之

現月

又諭本日資政院開院著派

禮親王世鐸前往恭代行開院禮

現月

又諭電寄署四川總督

趙爾豐電奏悉該省匪勢猖獗此拏彼竄大小北路又有蠢動之勢甚屬可慮著該署督統籌全局並嚴飭各軍設法兜剿湖南防務亦正喫緊前派援川軍隊經余誠格奏請回駐常德一帶扼要防守究竟能否抽調援川著該署督會商余誠格酌量辦理並諭令余誠格知之

寄電

又諭電寄貴州巡撫沈瑜慶據

電奏新防各軍除援川防邊外甚形單薄省城尤爲空虛擬再添練三營並飭部妥籌餉銀按月接濟等語所稱黔省兵力單薄自係實情必應添兵惟現在部庫無款可撥漢陽兵工廠已被鄂匪佔據槍械無從接濟如必須添練兵隊著由該撫設法就地籌款酌量添募

寄電

又諭電寄陸軍大臣蔭昌等頃據連

魁等電奏現聞宜昌陸軍全變句結匪人旋即佔據等語宜昌

爲武昌上游入川要路如被匪佔據蔓延可慮著蔭昌袁世凱迅速籌撥軍隊援剿毋任到處勾結以致糜爛並詳探實在情形隨時電奏

寄電

又諭電寄署荊州將軍連魁等據電奏現聞

宜昌陸軍全叛勾結匪人旋即佔據府城荊州孤立無援請派兵赴援等語著軍諮府陸軍部迅即派兵剋期赴援毋稍延緩

寄電

軍諮府軍諮使馮國璋奏第二軍將次出發亟須擬定編

制調用人員以資佐理報聞

摺包

附錄

監國攝政王訓詞

溯自上年資政院開院以來已經卅歲凡關於憲政事項本監國攝政王與王大臣等悉心籌畫日促進行昕夕從事惟恐不及現又屆該院第二次開會之期各議員等學問日進閱歷較深凡國家安危所繫與吾民休戚所關以及一切事

實理論自當研究漸精抉擇愈審必能出所蘊蓄共矢虛公
協贊謀猷代宣民隱上副

朝廷孜孜求治之至意各議員其交勉焉

現月

丙寅諭內閣大

理院奏訊明學生橫遭誣陷形迹並無可疑請予開釋各摺片
此案既據訊明全係子虛解樹強著即開釋准其一體驗放該
學生無辜受累定係有人誣陷著民政部江蘇巡撫按照該院
所陳各節嚴切究辦毋稍含混嗣後京外各衙門遇有訐發之
案務當研究虛實至投遞匿名信函尤應根究來歷固不可過
事張皇亦不可少涉疏懈仍當隨時偵察認真辦理以重法律
而安善良

現月

又諭給事中涂國盛奏鄂陷現已旬餘難民困

斃無算請飭督辦賑務大臣盛宣懷酌撥鉅款電商善堂義紳
援案設救濟會速救餘生一摺著督辦賑務大臣知道

現月

又

諭電寄直隸總督陳夔龍據電奏順直各屬夏秋之交連遭大

決時

雨繼以颶風秋禾晚穀全行折倒災情甚重民食維艱擬招商
自備資本分赴豫奉魯三省及直隸之大名府一帶採辦雜糧
減價出糶並援案將出產銷場稅捐一律全免其火車運費已
商郵傳部減收半價等語著照所請該衙門知道

寄電

又諭電

寄湖廣總督袁世凱據電奏擬請調海軍參領蔡廷幹降調奉
天勸業道黃開文隨營差遣等語蔡廷幹黃開文均著准其調
營差遣該衙門知道

寄電

又諭電寄袁世凱昨據瑞澂電奏楚

豫兵輪開往九江並聞瑞澂亦有潛赴九江之說著袁世凱迅
速查明具奏如果屬實即著派員迅速往取印信即由該督接
收任事

寄電

又諭電寄署江北提督段祺瑞據袁世凱電奏請

飭署江北提督段祺瑞酌帶得力將弁無庸多帶隊伍剋日由
海道北上徑赴鄂境等語段祺瑞著迅赴前敵與袁世凱協商
布置

寄電

又諭電寄兩江總督張人駿現在匪勢日熾九江以

上黃州大冶田家鎮武穴處處堪虞著張人駿體察情形迅飭提督張勳酌派得力兵隊迅速前往扼要防堵毋稍延誤

寄電

又諭電寄廣西巡撫沈秉堃據電奏請將各項行政應辦應停指定事項等語著該撫體察本省情形分別緩急奏明辦理

寄電

又諭電寄江西巡撫馮汝駿聞瑞澂潛赴九江是否屬實著

馮汝駿迅飭九江道查明據實電奏

寄電

大學士陸潤庠奏軍

事孔棘費用浩繁財力枯竭請將新政酌量停辦竊聞古人有言利不百不變法害不百不變法所謂變法者求其有百利而無一害也現在所行新政悉遵

先朝諭旨就各國之政而仿行之仰孜孜求治之深心自必期其有百利而無一害果能如此豈不甚善乃在他國則利多害少在我國則利少害多此非政治之有虧實皆奉行之失當而苟不至於變亂迭生尙不知其害之至於此極是豈

先朝所及料哉今日之害先由於督撫無權漸而至於
朝廷無權庫儲之困難寇盜之充斥猶其顯而易見者也鎮兵
之設也所用皆未入行伍之留學生其言論則紙上空談其作
用則徒取形式甚至有不擊同胞之謬說國中有事督撫非但
不能調遣今且反戈相向其不可用也明矣則莫如停辦鎮兵
仍取巡防隊而擴充之統領或用文職將弁必取武員軍法紀
律悉仍舊章軍聲庶可一振則練兵經費可移用也審判之立
也所授皆未經聽訟之法官黑白混淆是非顛倒其老吏之善
於斷獄者督撫不得而用之州縣捕役轟然各散司法巡警緝
盜無能現今審判成立不過各省都會及通商口岸數處而寇
賊之多日益猖獗已至於此若將來各府州縣一律辦齊必至
徧地皆盜則莫如停辦審判仍以聽斷緝捕歸之州縣尙得懲
凶暴而安善良則審判經費可節省也諮議局之設也所舉皆

不諳掌故之議員逞臆狂談箝制當道督撫不得而禁之其甚者借籌款之名魚肉鄉里竊自治之號私樹黨援上年資政院開議竟至戟手謾罵藐視

朝廷以辯給爲通材以橫議爲輿論衆說沸騰莫可究詰則莫如停辦國會仍以言語之科歸之諫院尙得抒讜論而發邪謀則諮議經費可消除也學堂之設也除洋員外所聘皆未讀古書之教習其沿用之教科書僅足以啟發顓蒙不足以裁成國士章程悉由部定督撫不得而參預焉其甚者倡毀棄五經之說而禍等秦燔禁窮鄉私塾之開而毀同鄭校暑假星期毫無拘束彼血氣未定之子弟結黨爲非膳貲學費莫可通融彼貧窮聰穎之士流進身無路則莫如停辦中小學堂仍用經策取士俾有志者尙得盡力於家修則學堂經費可裁併也凡此數端皆與財政有關以臣所見所聞其害已在目前其利實不知

在何日竊恐變本加厲勢將至於

朝廷無權大局不可收拾又將急而借貸外債以至還款無期
伏祈

皇上熟慮深思統籌全局革除流弊由漸而復舊觀則帑項無俟
外求民生稍得休息亡羊補牢未爲晚也若曰新政

諭旨出自

先朝則凡所損所益之成規仍

列祖

列宗所手定開明堂而議之又孰敢訾爲非是乎疏入不報摺以

補用副將孔慶塘爲雲南普洱鎮總兵官現江北提督段祺

瑞出差以江蘇福山鎮總兵官楊慕時護理江北提督未到任

前以淮揚道爽良暫護現丁卯諭內閣

監國攝政王面奉

隆裕皇太后懿旨今年各省水災甚多其被災尤重之直隸吉林江

蘇安徽山東浙江湖南廣東各省垂念殊深著每省撥出宮中

內帑銀三萬兩由內務府發交該督撫派委妥員核實散放以

賑飢民

現月

又諭電寄直隸總督陳夔龍據電奏前請添募巡

防隊二十營剋期成立十營所有開辦費約須銀四萬餘兩常

年額餉銀二十萬六千餘兩雜支銀四萬餘兩擬在天津運庫

暨津海關六成項下各撥開辦費銀二萬兩自本年九月起每

月各撥餉銀一萬兩懇飭度支部鹽政院查照立案等語著該

衙門知道

電寄

又諭電寄湖廣總督袁世凱據電奏駐鄂師艦

及鄂兵船均缺米煤各物請飭由兩江江西委員籌辦俟事定

分向部鄂造報撥款歸墊等語著張人駿馮汝驤飭令上海九

江兩道迅速籌辦接濟勿稍貽誤

電寄

又諭電寄袁世凱據電

奏官軍礮隊較少又乏子彈請飭將江甯新軍管退快礮三十

六尊及全數子彈暫行撥用由海道解赴信陽以應急需其前敵礮位子彈缺乏者由陸軍部查明名色迅速訂購再第二軍之三五鎮皆係管退快礮並請飭軍諮府轉飭該鎮將全數礮位子彈整備完善以待調用如馬匹不敷可由該省防營馬隊及本鎮馬隊湊撥等語所需子彈著張人駿迅速酌量撥解以應急需餘均照所請該衙門迅速辦理

電寄

又諭電寄兩江總

督張人駿據電奏前經奏准借輕息長期洋債五百萬兩除還

重息短期債項三百五十萬兩外加以清付利息挪支軍儲賑

糶所餘無幾鄂事勦撫以及江防招勇購械開辦製造趕撥鄂

省軍械在在需款均應預籌的款爲之應付擬請向洋行加借

二百萬兩即以已還騰出之官產爲之抵押等語著照所請該

部知道

電寄

又諭電寄閩浙總督松壽據電奏閩省上年奏准

編練巡防隊十二營現在已成九營察看情形實難分布擬將

陸軍步隊四十標一二兩營改編巡防五營合共十四營分駐省城各處以資鎮懾等語著照所請該衙門知道

寄電

又諭電

寄四川總督岑春煊川亂蔓延日久爲患已深該督威望素孚

向爲川民所悅服著即料理起程早日到川速靖此亂並將規

畫情形隨時電奏

寄電

又諭電寄江南提督張勳據電奏前以

軍隊不敷分布電請增募現派將領馳赴皖豫開招俟成軍後

即分配各要隘江甯一帶已審度形勢分別扼險以守復派兩

營前往安慶駐紮以阻逆黨下竄等語所籌尙屬周妥著即商

承張人駿迅速辦理妥籌布置

寄電

又諭電寄廣西巡撫沈秉

堃據電奏擬援湘保桂桂省防軍分紮本不敷用請調內閣中

書周先稷充北路巡防隊統領在衡永一帶募足三營剋日成

軍直趨長沙藉助防守應需經費五萬兩請飭部照數追加備

支等語著照所請該衙門知道

寄電

又諭電寄江西巡撫馮汝

駁據電奏此次軍務困難全在公司輪船暢行無阻不但該黨運械運餉莫可究詰即公然載匪亦防剿俱窮請飭外務部切實與各國公使磋商等語著外務部酌核辦理

寄電

又諭電寄

山西巡撫陸鍾琦據電奏晉省南路界連直豫關係重要現統前路巡防隊太原鎮總兵謝有功到任數月情形尙未熟諳請改派前路幫統知府陳政詩就近接統等語著照所請該衙門知道

寄電

專司巡護大臣載濤等奏禁衛軍暨陸軍第一鎮已

編爲第三軍當即督飭兩軍人員悉心籌畫除將步隊第二標調撥兩營專司守衛禁門外並將第三標移駐內城步隊第一標調撥一營機關礮抽調一隊移駐步隊更番所另以機關礮三隊移駐寶禪寺陸軍游藝院內其馬隊更番所仍駐馬隊一營另調撥步隊一營駐紫松樹畦保衛頤和園及第一第二武庫其餘步隊第一標之一營四標全標礮標全標馬標六隊工

程輜重警察各營隊陸續移駐暢春園新建營房以期調動靈通陸軍第一鎮隊伍已先派步隊二營開往河南保衛黃河鐵橋又撥步隊一營駐紮三家店保衛陸軍軍裝庫其餘步馬礮工輜各隊仍駐原鎮聽候調遣隨時與民政部步軍統領衙門互相聯絡彈壓地方總期內籌戰備外靖人心並擬第三軍軍司令處編制表應需款項暫由軍諮府墊撥事竣作正開銷從之

包摺

察哈爾都統溥良奏察哈爾居西北要衝張家口當內外孔道爲畿輔之項背庫恰之後援自來有事於西北者莫不於張家口屯駐重兵以資拱衛循至今日全防僅有巡防馬隊一營步隊二營弁兵七百餘名所存槍枝大都爲舊式毛瑟不適於用兵單地要環顧憂心現擬就察哈爾八旗兵中挑選精壯編練馬步隊一千名不足則兼招土著互相維持馬匹由本羣挑取餉糈按陸軍給發並與口內巡防馬步隊三營一律添

換新式快槍庶可少資憑藉保衛邊隅計約經費銀十餘萬兩

懇飭部籌撥以裨急需下所司議

摺包

西陵守護大臣奎瑛等奏遵章清除

隆恩殿草茨恭請

神牌謹擇奉移

還位各吉期得旨著照所請敬謹將事

摺包

以內閣印鑄局副局長

黃瑞麒署局長禮部郎中歐陽熙暫署副局長

現月

命滿洲正

黃旗副都統崑源迅速來京預備召見

電寄

附錄內閣致直隸總督電

前據尊處電奏已將混成協陸軍步隊一營淮軍左路馬隊

兩營統交慰帥接收具見力顧大局不分畛域鄂省軍事關

係重要嗣後借重之處甚多仍希隨時與慰帥電商接洽並

顧兼籌妥爲接濟

致兩廣總督電

廿東兩電均悉近來謠言甚多不可盡信北軍失利薩艦退
守九江之說全屬子虛惟長沙聞有亂耗尙未知情形如何
希探明迅覆粵省地方重要務望嚴密防範妥籌布置仍持
以鎮靜爲要

致

山西
河南巡撫電

聞陝西現有兵亂電報已三日不通迄迅飭查明是何情形
電覆爲盼

致

江西
貴州巡撫電

聞長沙兵變電報已數日不通希迅速探明是何情形電覆
爲盼

致河南巡撫電

東電悉長沙有警尙無確耗希即詳探實情電告